

Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisissaattut siunnersuut.

(Inuussutissarsiornermut Aatsitassanullu Naalakkersuisoq)

**Saqqummiussissut
Siullermeerneqarnera**

Naalakkersuisut sinnerlugit matumuuna inuussutissarsiutinik siuarsaaneq pillugu Inatsisartut inatsisissaattut siunnersuut Inatsisartuni siullermeerneqartussanngorlugu saqqummiutissavara.

Siunnersuut inuussutissarsiutinik siuarsaaneq ilusaata nutaap, 2012-imut aningaasanut inatsimmi atugassanngortitsivigineqartup, 2011-imi ukiaaneranersup piviusunngortinneqarnissaanut ilaavoq. Siunnersuutip matuma saqqummiunneqarneratigit nunami inuussutissarsiutinut tunngatillugu inuussutissarsiortunut tapersissuteqartarneq pillugu inatsit nutarterneqarpoq. Siunnersuutip suliassaqaarfimmi inatsit atuuttoq 2001-imeersuisoq, taarsissavaa.

Siunnersuutip atuutilernerani inuussutissarsiutinut tapersiinissamik suliniutit assigiinngitsut, inuiaqatigiinni suliassaqaarfimmut aalajangiisuulluinnartumik siuariartortunut toqqaannarnerusumik siunnerfeqartinneqarsinnaalissapput. Siunnersuummi suliassaqaarfiit immikkut ittut eqaatsumik pingaarnersiuinermi salliutinneqarsinnaanerat ajornarunnaarsinneqarpoq.

Siunnersuutip atuutilernerani suliniuteqarneq periusissamut atuuttumut aammalu inuussutissarsiutinik siuarsaaneq ilusaanut 2012-imi atuutsinneqalersumut naapertuuttumik nutarterneqassaaq aammalu siunissamut sammitinneqalissalluni.

Nunami inuussutissarsiutinut tunngatillugu inuussutissarsiornermik siuarsaaneq siunnersuutip akuerineqarnerani sisamanik pingaarnernik immikkoortoqalissaaq:

- Takornariartitsineramik inuussutissarsiuteqarnerup siuarsarneqarnera Visit Greenland A/S-imi ingerlanneqassaaq
- Aatsitassarsiornermut suliassaqaarfimmut pilersuisuunermik suliaqarnermik siuarsaaneq Rambøll Grønland A/S-imut kiffartuunneqarnissamik isumaqatigiissuteqarnikkut ingerlanneqassaaq.
- Suliffeqaarfimmut kalaallinit pigineqartunut taarsigasarsititsinissamut qularnaveeqqusiissuteqartarneq Greenland Venture A/S-imi ingerlanneqassaaq
- Inuussutissarsiutinut tapersiissuteqartarneq nalinginnaasoq aqqissuussanik iluseqartoq Greenland Business A/S-imit aqunneqassaaq.

Naalakkersuisut siunertaraat aqqissuussat inatsimmi nutaami inatsisitigit tunngavissalerneqartut, aallaaviatigit allaffissornikkut Greenland Business A/S-imi – inuussutissarsiutinut tapersiisarnermut allaffissornikkut aqutsinerup aalajangersimasup, Namminersorlutik Oqartussat naalakkersuisoqarfiinit, soorunalimi aqqissuussat allaffissornikkut aqunneqarnerannik nakkutilliisuususanit, nuullugu kivinneqarsinnaanissaa siunertaralugu pilersinneqarsimasumut, inissinneqassasut.

Inuussutissarsiutinut immikkut ittunut imaluunniit siunertanut ukiumoortumik aningaasanut inatsisini aningaasaliiffiqarsimasussanut siuarsaanissamut ataatsimoortumik aningaasaliissutit immikkut ittut eqaatsumik atugassanngortinneqarsinnaanissaat, siunnersuummi siunertaasunut ilaavoq. Naalackersuisut tassani pingaartumik eqqarsaatigaat, suliniutit immikkut ittut kalaallit nerisassiaannik, misigisassarsiornermik inuussutissarsiutinik aamma nioqqutissianut kulturikkut aningaasaatinik aallaaveqartunik siuarsaanissamut sammitinneqartut.

Naalackersuisut matumuuna siunnersuutip akuerineqarnissaa inassutigaat.